

Dar up antwoorden de Borgemeesteren, des sinnen wy seer fro;

Vertover idt doch wente an den morgen tho,

Dat wy eerstemael tho Grave *Edsard* mogen gaen,

Dat wy den mogen geenen blaffert vorschlaen,

Otte wy durch list by oene kunden bekamen jeedt

Dat he uns wulde verlaten den eedt.

Als nu de Borgemeesteren dat sulvige Graven *Edsard* hebben vorge-  
holden,

Dar up heft he se mit † bysteren worden gescholden,

Und heft gesecht, dat he by se syne land und luede hadde upgeset-  
tet, † melius est dapperen.

Nu weren se doch mit so grooten kummer als vorhen noch nicht be-  
lettet,

Und wanneer idt jo doch de hooge noodt dede,

So wulde he doch oene alle tydt wol vorschaffen frede,

Als nu Grave *Edsard* den eedt nicht wulde verlaten,

Do sinnen de Borgemeesteren weder gegaen oere straten,

Tho *Wilhelm* van *Oje* in *St. Walburgis* kercken,

Dar begunden sick de blawfingeren tho stercken,

Und idt was aldaer do van *Kuninikens* wercken,

Wente se lieten sick do nicht apenbar dat mercken.

Se deden dar *Wilhelm* van *Oje* van wegen des Fursten van *Gelder* des  
seften eedt,

Jedoch was idt darna den gemeenen borgeren leet,

Wo wol dat idt dar do nicht kunde baten,

Wente se repen achter nae, heft uns Grave *Edsard* den eedt ock ver-  
laten?

Als dit nu alle was geschehen, und de *Brunswiker* Fursten *Stickbusen*  
wullen untsetten,

Do befael Grave *Edzardt* den Borgemeesteren up oeren gedanen eed  
dat hues tho bewaren sunder beletten,

Und he toech van daer und quam up *St. Martens* avont voor *Stick-*  
*busen* und tho *Uplengen*,

Dar durste Grave *Edzardt* idt met 800. man tegen 5000. de *Brunsw-*  
*wicksen* wol betengen,

De *Brunswicksen* leeter aldaer 2000. doden, de des morgens wurden  
getelt,

De in der nacht alle schlagen weren, und de liggen bleven int velt.

Jedoch wert idt an den morgen froe weder vorseken,

Als de *Brunswicksen* tho rugge averdat *Lengner-moer* na de Herrschap  
*Oldenburg* wulden tehen,

So balde averft *Stickbusen* untsettet was, und tho *Groningen* an den  
Borgemeesteren weder quemen de baden,